



Broj: 02-11-2411/21-AP-19
Datum: 16.12.2021. godine

Na osnovu člana 25., člana 69. Stav 2. tačka d) i člana 70. stav 1. Zakona o javnim nabavkama („Službeni glasnik BiH“, broj: 39/14), člana 29. Stav 1. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 39. Statuta općine Zavidovići („Službeni glasnik općine Zavidovići“, broj: 5 /2008, 5a / 2008 i 11/2019), u predmetu dodjele ugovora o javnoj nabavci radova “Sanacija lokalne ceste Zavidovići-Biljačić“, Općinski načelnik, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-2411/21-AP-15 od 01.12.2021. godine iz razloga što je drugorangirani ponuđač „MGV GRADNJA“ d.o.o. ZAVIDOVIĆI u ostavljenom roku nije dostavio traženu dokumentaciju (originalne ili ovjerene kopije dokumentacije iz člana 45. i 47. Zakona o javnim nabavkama).

Član 2.

Postupak javne nabavke radova “Sanacija lokalne ceste Zavidovići-Biljačić“, pokrenut donošenjem Odluke broj 02-11-2411/21-AP-3 od 19.10.2021. godine i koji je objavljen dana, 20.10.2021. godine u „Informacionom sistem E nabavki“ putem Obavještenja o nabavci broj: 1374-7-3-166-3-61/21, poništava se.

O b r a z l o ž e n j e

Općina Zavidovići donijela je Odluku broj: 02-11-2411/21-AP-3 od 19.10.2021. godine kojom je pokrenula postupak dodjele ugovora o javnoj nabavci radova “Sanacija lokalne ceste Zavidovići-Biljačić“, putem otvorenog postupka za dostavu ponuda u skladu sa članom 25. Zakona o javnim nabavkama Bosne i Hercegovine („Službeni glasnik Bosne i Hercegovine, broj: 39/14).

Dana, 20.10.2021.godine uputila Obavještenje o nabavci radova “Sanacija lokalne ceste Zavidovići-Biljačić“ broj 374-7-3-166-3-61/21 na objavu u Informacioni sistem „E-nabavke“.

Na adresu Općine Zavidovići do krajnjeg roka za dostavu ponuda 09.11.2021. godine do 12,00 sati dostavljeno je (šest) ponuda, i to sljedećih ponuđača: 1. „Hajdić“ d.o.o. Maglaj; 2. „Porobić“ d.o.o. Zavidovići; 3. „Dobojputevi“ d.d. Doboj Jug; 4. „Geo put“ d.o.o. Maglaj;. 5. „MGV Gradnja“ d.o.o. Zavidovići; 6. „Komgrad-Ze“ d.o.o. Zenica.

Komisija za javne nabavke za provođenje postupaka javnih nabavki roba, usluga i radova Općine Zavidovići je zaprimila pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je ukupno pristiglo 6 (šest) ponuda, da su sve blagovremeno zaprimljene i da nije bilo ponuda koje su odbačene kao neuredne u skladu sa članom 68. Zakona o javnim nabavkama.

Nakon provedenog postupka e-aukcije dana, 17.11.2021. godine, a na osnovu Izvještaja o toku i završetku e-aukcije, Komisija za javnu nabavku za provođenje postupaka javnih nabavki roba, usluga i radova Općine Zavidovići dostavila je Zapisnik o pregledu i ocjeni ponuda broj: 02-11-2411/21 od 18.11.2021. godine

Nakon izvršene ocijene kvalifikovanost ponuđača, te ocijene prispjelih ponuda, Ugovorni organ je dana, 22.11.2021. godine donio Odluku broj 02-11-2411/21-AP-12 dana, 22.11.2021. godine kojom je za najpovoljnijeg ponuđača odabrao ponudu ponuđača „Hajdić“ d.o.o. Maglaj. Nakon što je „Hajdić“ d.o.o. Maglaj, zaprimio Odluku broj 02-11-2411/21-AP-12 od 22.11.2021. godine nije dostavio originale ili ovjerene kopije dokumentacije iz člana 45. i 47. Zakona o javnim nabavkama. Općina Zavidovići je istu poništila i donijela Odluku broj: 02-11-2411/21-AP-15 dana, 01.12.2021. godine kojom se dodjeljuje ugovor drugorangiranom ponuđaču „MGV GRADNJA“ d.o.o. Zavidovići. Na osnovu takve Odluke ponuđač „MGV GRADNJA“ d.o.o. Zavidovići je bio dužan da dostavi originale ili ovjerene kopije dokumentacije iz člana 45. i 47. Zakona o javnim nabavkama u skladu sa Tenderskom dokumentacijom i odredbama člana 72. stav 3. tačka a) Zakona o javnim nabavkama.

Kako je rok za dostavu dokumentacije istekao zaključno sa 13.12.2021. godine, a izabrani ponuđač nije dostavio propisanu dokumentaciju, to nije postupio u skladu sa uslovima iz Tenderske dokumentacije.

Članom 69. Zakona o javnim nabavkama, propisano je da se postupak javne nabave može se okončati zbog a) zaključenja ugovora o javnoj nabavi ili okvirnog sporazuma ili b) poništenjem postupka javne nabave.

U stavu istog člana Zakona o javnim nabavkama propisano je da je ugovorno tijelo obvezano poništiti postupak javne nabavke u slučajevima kad: a) nije dostavljena nijedna ponuda u određenom krajnjem roku; b) nije dostavljen nijedan zahtjev za sudjelovanje u ograničenom postupku, u pregovaračkom postupku s ili bez objavljivanja obavijesti ili u natjecateljskom dijalogu; c) nije dostavljen broj ponuda određen u članku 32. stavku (4) ovoga Zakona, ako je bilo predviđeno zaključenje okvirnog sporazuma; d) nijedna od primljenih ponuda nije prihvatljiva; e) su cijene svih prihvatljivih ponuda znatno veće od osiguranih sredstava za predmetnu nabavku.

Cijeneći pravilnost provedenog postupka dodjele ugovora o javnoj nabavci radova, te činjenicu da je cijena ostalih kvalificiranih ponuđača, znatno je veća od najniže ponudene cijene u ovom postupku, odlučeno je kao u dispozitivu ove Odluke.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. „Učesnici u postupku
2. Služba za upravu ekonomskih poslova i poduzetništva
3. a/a

Obradila: 
(Sanela Mulahasanović)

Kontrolisao: 
(Nermin Čahtarević)

OPĆINSKI NAČELNIK

Dr. sci. Hašim Mujanović

